

- 395 -

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
OPĆINA ZAVIDOVIĆI  
OPĆINSKO VIJEĆE

Broj: 01-31-9031/10

Dana: 29.10.2010. godine

Općinsko vijeće Zavidovići na 27. sjednici održanoj dana 29.10.2010. godine, na osnovu člana 14. stav 4. Zakona o eksproprijaciji ("Službene novine Federacije BiH", broj: 70/07) i člana 25. Statuta općine Zavidovići ("Službeni glasnik općine Zavidovići", broj: 5/08 i 5/a/08), po prijedlogu za utvrđivanje javnog interesa, donosi

## **O D L U K U**

### **I**

Utvrđuje se da je od javnog interesa izgradnja kolskog prilaznog puta formiranog sa ulice «Čazim Vikovića-Viko» u ukupnoj dužini od 160 metara u naselju Dragovac Mjesna zajednica «Klek», te da se u tu svrhu može pristupiti potpunoj eksproprijaciji dijelova nekretnina označenih kako slijedi:

- k.č.278/119 zv. „Krčevina“ kuća zgrada pov. 90 m<sup>2</sup>, dvorište pov.390 m<sup>2</sup>, upisana u P.L. 754 K.O. Potkleče, vlasništvo Ljakić Zijada sin Sefira iz Zavidovići, Majdan bb, sa dijelom 1/1,
- k.č. 278/20 zv. „Krčevina“ pašnjak 3. klase pov. 21319 m<sup>2</sup>, upisana u P.L. 70 K.O. kao DRSV IP «Krivaja» DD Zavidovići, sa dijelom 1/1.

### **II**

Utvrđuje se da je Općina Zavidovići korisnik eksproprijacije zemljišta za izgradnju kolskog prilaznog puta formiranog sa ulice «Čazim Vikovića-Viko» u ukupnoj dužini od 160 metara u naselju Dragovac MZ «Klek».

## **O b r a z l o ž e n j e**

### **Pravni osnov:**

Pravni osnov za donošenje ove odluke je član 14. stav.4. Zakona o eksproprijaciji koji glasi: «Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.»

### **Razlozi donošenja:**

Općinski pravobranilac Zavidovići u ime općine Zavidovići kao korisnika eksproprijacije, podnio je Općinskom vijeću Zavidovići, prijedlog za utvrđivanje javnog interesa za izgradnju kolskog prilaznog puta formiranog sa ulice «Čazim Vikovića-Viko» u ukupnoj dužini od 160 metara u naselju Dragovac MZ «Klek», te da se u tu svrhu može pristupiti potpunoj eksproprijaciji dijelova nekretnina bliže označenih u tački 1. ove odluke.

- 396 -

Uz prijedlog za utvrđivanje javnog interesa korisnik eksproprijacije priložio je:

- izvod iz projektno- tehničke dokumentacije,
- izvode iz posjedovnih listova
- urbanističku saglasnost
- elaborat eksproprijacije
- procjenu tržišne vrijednosti nekretnina

Razmatrajući navedeni prijedlog, a imajući u vidu da će se izgradnjom kolskog prilaznog puta u naselju Dragovac poboljšati uslovi za život na ovom području, povećati bezbjednost učesnika u saobraćaju, kao i da se radi o projektu koji je od značaja ne samo za mještane MZ «Klek» već i za općinu Zavidovići, to je ocijenjeno da je prijedlog za utvrđivanje javnog interesa opravdan.

Protiv ove odluke može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja odluke. Tužba se podnosi neposredno sudu.

**PREDSJEDAVAJUĆI  
OPĆINSKOG VIJEĆA**

(M.P.)

ing. Radosav Petrović, s.r.